



Razgovor sa gosp. Čolaković, ambasadoricom BiH u Den Hagu



Povodom priprema za obilježavanje 23. godišnjice Genocida u Srebrenici, koje se tradicionalno održava svakog 11. jula u Den Hagu, održan je radni sastanak sa ambasadoricom BiH gosp. Mirsadom Čolaković 16. aprila o.g u Ambasadi BiH u Den Hagu. Predstavnici Komiteta za obilježavanje Dana Genocida u Srebrenici, koji se tradicionalno održava svakog 11. jula u Den Hagu, Šefkija Hadžiarapović, Edwin Giltay i Dževad Kurić su upoznali amb. Čolaković sa dosadašnjim pripremama Komiteta i naglasili potrebu uključenja Ambasade u realizaciji dijela planiranih aktivnosti i programa ove značajne manifestacije sjećanja na žrtve genocida, što je ona rado prihvatila.

U cilju što jasnije slike o formalnopravnom stanju priznanja Srebreničkog genocida od strane Vlade i Parlamenta Holandije, a zbog postojećih dilema o ovom pitanju u okviru Komiteta zamolili smo amb. Čolaković da u nadležnim institucijama provjeri stvarno stanje. Ovo pitanje je značajno i zbog odgovarajućeg pravnog i sudskog tretmana žrtava genocida.

Ambasadorica Čolaković je također prihvatila i prijedlog Komiteta o odavanju priznanja i zahvalnosti saradnicima Političkog Komiteta "Stari most" za dugogodišnje uporno i iskreno angažovanje na priznanju genocida u Srebrenici i obilježavanju Dana sjećanja na genocid u Srebrenici do sada. Realizacija ovog prijedloga predviđena je za drugu polovinu juna.

Gospodin Edwin Giltay, autor prvobitno zabranjene knjige "De Doofpotgeneraal", koja govori o skrivanju fotorolni sa snimcima masakra u Srebrenici, je poklonio ambasadorici Čolaković drugo izdanje svoje knjige, na čemu se ona srdačno zahvalila i izrazila želju da se knjiga prevede i na Bosanski jezik.

Sastanku je prisustvovao i prvi sekretar Ambasade gosp. Dragan Mihaljević.

DŽK